

USEN USIO-ISOP
Leviticus 16:1-34; 23:26-32
QYQH QKPEP-ŊKPQ 86

Eke Ikpọ Owo

IKQ IBUOT: “Enam nnyin isana ke eriwa emi Jesus akawade ikpohidem Esie ini kiet” (Mme Hebrew 10:10).

I Se Abasi Etiñde Abaña Usen Usio-Isop

1. Abasi ama owuk ete ini edidunṣore idem ye erinam uwa edu ke ufot idara usoro mme Obukpoṣi ye mme Ataya ke oyohoy ofion itiaba, Leviticus 23:1, 2, 4, 26, 27; Numbers 29:7-11; Mme Hebrew 10:1-4
2. Owo ikenyeneke ndinam baba utom kiet ke usen oro, Leviticus 23:28-32

II Mme Edinam Usen Oro

3. Sia Abasi okodude ke Ata Edisana Ebiet, owo ikekemeke ndibe ikpehe ke mibohoke akwa oku ikpoṣi, ndien oro ekedi ke Usen Usio-Isop, Leviticus 16:1, 2; Mme Hebrew 8:3
4. Akwa Oku ekenyene ndiduk ke Ata Edisana Ebiet ke enye ama ekeyere mmṣi, onyui esine edisine ṅkpọ linen, onyui asani ye iyip uwa idiok ido, ṅkpọ ufop ufuṅkpọ ye ebok ikai, ye ufuṅkpọ ndifop ke iso Jehovah, Leviticus 16:3, 4, 11-15; Ezekiel 44:17, 18; Mme Hebrew 9:6-14
5. Baba owo kiet ikenyeneke ndidu ke Ataya ke ebade Akwa Oku ke ini enye osuk awade uwa usio-isop, Leviticus 16:17
6. Ema esin afia ebaṣa ebote iba emi edade edi nte ṅkpọ uwa usio-isop idiok-ṅkpọ mme owo man efioke enye emi enyenede Jehovah ye enye emi edibiomde idiok-ṅkpọ mmṣi efen, Leviticus 16:5, 7-10
7. Aaron awa uwa idiok-ido eke idem esie ye eke ufok esie, ada iyip oduk ke Ata Edisana Ebiet onyui osime ke ṅkpọ Itie-Mbom emi nsuṅikani ufuṅkpọ ofukde, Leviticus 16:6, 11, 14; 17:11; Mme Hebrew 7:27, 28
8. Ema ewote ebote emi ekesinde afia eyak eno Abasi nte uwa usio-isop idiok-ṅkpọ mbon obio, onyui eda iyip oro esime ke Ata Edisana Ebiet, Leviticus 16:15
9. Ema enam uwa usio-isop eno ofuri Ataya, Leviticus 16:16, 17; Exodus 30:10
10. Ekeda iyip unam usio-isop mbiba oro eduok ke mme nnuk itie uwa okpoho man esio isop ebaṣa idiok ido mme owo.
11. Ema eyak ebote emi okosuhode ye uwem onyoi ke akai-ikot ema ekeyarade kpukpru mme ukwai-ido ye mme idiok-ṅkpọ ndito Israel edori enye ke idem ndimen nwut mbiet Christ nte Andimen mme idiok-ṅkpọ nnyin mbiom ke idem Esie, Leviticus 16:20-22; Isaiah 53:6, 12; 1 Peter 2:24; 1 John 3:4, 5; Jeremiah 31:34
12. Aaron afiak eyet idem esie onyui anam edifop uwa eke idem esie ye eke mbio Obio, Leviticus 16:23, 24; Ezekiel 44:19
13. Ema efop mme okpo unam uwa emi ekewotde ofuri-ofuri onyui etim ekpeme mme edinam efen oyohoy-oyohoy nte Abasi eketemede, Leviticus 16:25-28; 6:30; 10:17, 18

III Nsinsi Ewuhoy

14. Uwa usio-isop idiok ido ekedi akpan ṅkpọ emi ekenyenede utene ke mme usen oro, emi ekenyenede ndika iso ke ofuri emana mmṣi Leviticus 16:29-31
15. Mme Akwa Oku emi ekedade itie Aaron ekenyene ndinam utom ukem-ukem nte Aaron akanamde, Leviticus 16:32-34; Mme Hebrew 5:1-4.

SE EKPEPDE EBAṢA

Obio Mme Oku

Otonode ke ini emi enode Abraham enwono ete ke akamba idute eyeto ke ubon esie oworo, ekedi uduak Abasi ete ke idute oro edidi sani-sani idute ino Enye. Abasi etiṅ ebe ke Moses ke ini ndito Israel edade ke mben Obote Sinai ete ke edieke ndito Israel edinimde mbet onyui ekop uyo imo ke imo iyenam mmṣi ekabare edi obio Oku ye edisana idute (Exodus 19:5, 6). Edi ata akpaniko ete ke Israel ema efiake edem ekpoṣi usuṅ emi Abasi okonimde ono mmṣi, inyui inyimeke nditiene Abasi ofuri-ofuri, edi ekikere ye uduak Abasi ke abani mmṣi okosuk ososoni ada. Ke Obufa Ediomini eno nnyin nsinsi akpaniko ete “koro Abasi mituha mkpofioke ibani eno ye ikot Esie” (Nwed Mbon Rome 11:29); edi ke ntak edisana uduak emi, Abasi okosuk anwanwan ndito Israel ke idem ini emi mmṣi ema ekekpu enye ke Sinai.

Abasi ama onim mme ewuhoy uwa ke nde ke nde emi ekenyande ubok ewute ata akpan uwa emi ekedide Jesus Christ, ndinwan ndito Israel ndisani mkpere Enye. Akamba edinam emi okokono ke ediduk iyip eke miduehe

isop ke ibuoat anam-idiok; kpukpru emi ekedi ndise, mme mbiet Kiet emi Miduehe-Isop, emi edikpade ke usen kiet man mme idiok owo emi etuade nkpofoik ekpekeme ndibohq ubiom-ikpe idiok-nkpq mmq, ndien ntem ke edinem uduak Abasi ediworq osu.

Mme ido edifop uwa emi ema esine ke usenubok ye mbubreyo, mme uwa usio-isop idiok ido, uwa idiok-nkpq, uwa emem, uwa ekom ye mme nsio nsio uwa inuak udia. Kpukpru edifop uwa ema enyene itie mmq ke uduak Abasi nte Moses ekekpepe mbio obio ye mmq emi ekemekde ndinam utom oro ke idak esie. Edi, ndidian do mme ediwak ini efen ke isua ekenam mme usorq efen emi ekasuk enyande ubok ewut mkpa usio-isop Christ ye mme ufqn emi nnyin ibode ito Abasi ke ntak Usio-isop oro. Nnyin ima ikpekpep nkpo ibana Passover, iyenyn isop ndikop mbaana Usorq Pentecost ye usoro mme Ataya ye mme uwa oro ekesinamde ke mme ini oro. Akamba ini idara efen ekedi ini Usorq mme Obukpon emi ekesidade itie ke akpa usen ke isua ukara mmq. Emi okonyun edi akpa usen ke oyohq ofion itiaba ke isua ido ukpono Abasi, emi owutde ntqn akpa ofion edidia passover.

Akwa Usen Usio-Isop

Oyohq usen duop ke ofion itiaba ke ufot usorq mbiba emi ekedi ata akwa usen usorq ke ido ukpono Abasi mme Jew. Ekekot enye Usen Usio-Isop. Ekedi ata akpan usen onq idut mmq, akwa ini utene Abasi; usen oro ekesiode enim nditi ata mfqn-mma Usio-Isop emi edidide. Qbon ama onq mbet emi eketrede kpukpru oruk utom ke usen emi, enyn ekot kpukpru owo ke idut oro edibon akam enyn eduore idem mmq, man akwa uduak Erifak Esie okposim mmq ye akwa odudu ye ntotunq ifiok.

Ke usen oro ekikere usio-isop ama emenere osim ata nkon-nkon idaha esie ke ikq Akani Ediom nte odotde ndifiok ke mme udim nkpo-ntibe. Enye onq eti uwut-nkpq abana oyohq-oyohq ye edisana usio-isop eke Christ, akan nte ekemede ndikut ke mme uwa owo kiet kiet, okposuk edi nte mme uwa ke usen oro ekenyenede kpukpru owo ke uduot esie ye mme ufqn eke edade ukpono onq ofuri-ofuri idut akan nte ekpedide onq owo kiet.

Edinam emi ekpep nnyin utibe Gospel akpanik ete ke Jesus akakpa onq **kpukpru owo**,” “onq idemesie ndifak kpukpru owo” okonyun atabi mkpa ke ibuoat **kpukpru owo**, onyn edi “usio-isop” mme idiok-nkpq “**ofuri ererimbot**.” Enye akan mbuk usio-isop emi abanade ibat-ibat owo emi Abasi osiode onim onq mfqn Esie.

Ema ewa nsio nsio uwa ke usen oro (Numbers 29:8), edi emi ikedighe se Abasi ekemekde ndiwut ke Christ eyebq ufen ebe ini kiet, mme ndiwut ke uwa efen odu akan Esie. Uduak mmq ekedi ndiwut nte ke uwa Esie ikpon enyene kpukpru oruk idiok-nkpq ye ndek. “Iyip Jesus Eyen Esie eyet nnyin isana ke kpukpru mme idiok-nkpq” (I John 1:7). (Kot Mme Hebrew 9:24-28; 10:1-14).

Se Iyip Ufak Christ Okonode Mmq

Owo kiet-kiet emi ekeduede mbet Abasi ama enyene erifen ke adanemi enye akakade ke iso Abasi ye erikabare esit ye mbuqtidem, adade unam uwa usio-isop idiok-nkpq emi ekewotde ndiwut nte ke Enye emi miduehe isop eyekpa usen kiet ke abana mme idiok-nkpq esie. Owo emi oyomde Abasi ke ema ekenam esit esie asana ekenyene ndida uwa idiok-ido ndi ke ini enye oyomde enq edinam asana, emi nnyin ifiokde ite ke ekenq mbon Akani Ediom kpa nte enode nnyin. Mme owo ema eda mme uwa efen edi nte eke ekom ye itoro, mme ke owo ayakde idem esie ntotunq- ntotunq onq Abasi. Kpukpru emi ekedi mme uwa onq owo kiet-kiet okonyun anyan ubok owut eridi Christ, ema enyn edot sia ekedide uduak Abasi.

Edi ke Usen Usio Isop oro ema efiak eti mmq ete ke usen kiet Christ eyedi man edikpa ke ibuoat mmq, ndimen mme idiok-nkpq mmq mfep, anam mmq esana ke kpukpru ndek mmq, onyn osqn kpukpru mme uwa mmq. Ekedi nkpo eriti onq mmq, nditi mmq Ima Abasi ye mme eridiqn emi Enye okonimde onq mmq ebe ke Utibe Uwa Esie, Jesus Christ. Mmq ekese akwa uwa oro edidide kpa nte nnyin ke eyo emi itide Calvary.

Se Enye Qworode Onq Nnyin

Kpukpru idorenyin nnyin okonq ke akwa Usio-Isop. Kpukpru nkpo eke nnyin ibode ke ubok Abasi ke uwem emi akpan-akpan tqnq ke ini nnyin imanade obufa inyn ikabarede idi nditq Abasi, oto ke akwa ekom-urua oro ekekpede ke Calvary. Eyohq nnyin ke nkpo spirit, ekok nnyin udqn ke ikpohidem esqn nnyin idem enyn enam nnyin idi obufa, edemere spirit nnyin ke ini idomo, enyn enq nnyin se inanade nnyin ke uwem emi oto ke osqn urua iyip oro. Edi ata nkpo idonesit ndikere mbaana nte ke Abasi ama kpukpru Obio ye idut ekpenyene ifet ndibe nduk ke mme edidiqn Esie. Man ekeme ndinwam mbon oro ekedude ke ererimbot mbemiso Christ edikpa, nte mfqn-mma uwa idiok-nkpq, ukpono Abasi ke Ataya ye mme uwa emi ekewade tqnq ke eritqn mbuk ererimbot, ekedi mme uwut-nkpq Usio-Isop emi ekenyenede ndinam. Mme usun Abasi edi utibe!

USEN USIO-ISOP

Qbon “wem mi, ntuak buoanya t nnq fi,

Ubon oro enyene fi mbak ‘anykufre

MME MBUME

1. Nso ikedi ntak emi Abasi okonimde usen usio-isop ọnọ nditọ Israel?
2. Nso akpan ñkpọ ke emi ekpep nnyin?
3. Anie akada usuñ ke mme edinam usen oro, ekenyuñ enam enye ke mmọñ?
4. Nso idi ntak emi owo kiet ikpọñ ekenyenede ndinam ñkpọ emi?
5. Nso ke nditọ Israel ekenam ke usen oro?
6. Edieke eyen Israel ekededi eketrede ndidu ke idaha utom esie, nso isop ke enye ekenyene ndikpe?
7. Tiñ añwaña mme nsio-nsio uwa idiok-ido emi ekewade ke usen oro, nyuñ tiñ se mmọ kiet-kiet ekedade enọ?
8. Ekesiwara didie ndinim Usen Usio-Isop?
9. Ekedi usen mfuhọ emi ọkọtọñde onyuñ etrede ye mme usen idara ye usọrọ. Nso ukpep-ñkpọ ke nnyin inyene ito idaha esie ke ufọt mme usen idara ye usọrọ oro?
10. Anie edi Akwa Oku nnyin idaha emi, nso inyuñ idi ntak emi nnyin minyeneke usen usio-isop ke ini ke ini ke eyo emi nte Israel ekenyenede?